



1	4
1555	
167	

167
21



清

集

集

門 14
號 1555
卷 167

青齋集

昭十九年
四月十日
購求

三山鄭菊山先生清雋集序 雋粗克切

儒有古君子之風始可以曰儒儒非止於文章
之謂文章者所以發揚其實詣而著見於實理
也豈可空有其名哉
鄭菊山先生蓋抱其實而當其名者在昔林
膚齋周伯弼行輩當時人物林林焉如龍虎不
可測如鳳凰不可觀非有以自植立於天地閒
何以與諸公相參錯照耀一世豪傑之耳目耶
曩聞先兄秋堂先生望曰先生人物昂然氣節

青齋集序

二知不足齋叢書

挺然議古喻今無不的當惜不見用於時然所
言皆正大所守甚清苦其古君子歟早年遊京
師卽有聲晚年嘗主安定和靜二書院講明道
學學者益尊敬後註易將脫橐而逝頗多雜著
文章有詩曰倦遊橐今山村仇君撫四十首曰
清雋集遂冠於所南翁一百二十圖詩之首庶
幾知有所本橋梓輝映抑亦俱有光焉菊山先
生諱起字叔起福州連江透鄉人慶元己未生
景定壬戌卒葬於吳中甌山所南翁名思肖字

億翁併序及之大德五年後學鄱陽道約柴志
道序

Blank page with vertical lines, likely a table of contents or index.

三山鄭菊山先生清雋集

所南翁一百二十圖詩附

山村仇遠仁近選

爛柯山

春風萬古洞門開
塵世興亡是幾回
碁局至今無處覓
樵人於此遇仙來
飛梁橫跨丹虹影
絕頂平鋪白玉堆
天下紛紛無好著
斜陽下嶺共徘徊

卜居

久欲謀歸力不任
浮雲蹤跡謾巢林
功名未入

屠龍手貧賤常懷買鶴心
月下開門微雨過樓頭
聞笛二更深世閒萬事俱陳迹
空倚西風閱古今

自黃山還塗中作

屈指還京十日程
每逢歇處問村名
春沙脈脈溪初漲
夜雨垂垂曉又晴
山下有人傳虎出
店中炊飯見牛鳴
天涯行客無寧日
不及田家業在耕

謁岳王墳

我來拜謁岳王墳
松柏蒼蒼上宿雲
臣子報君終一死
權姦賣國欲中分
鷹揚當日誰能及
鴈叫中原不可聞
石馬石人山寂寂
英雄於此憶將軍

次照晦巖韻

便騎老虎不須鞍
忍辱仙人出宰官
入內講經千佛現
跏趺對御六龍寒
指頭有月娑羅冷
舌上懸河海水乾
聖主賜衣漫大地
西方國土未爲寬

再登南樓

客中重上倚層臺天闊雲收八面開
鴈帶岳陽秋曉過浪涵巴峽影西來
諸營種柳今何在老子登樓得幾回
自是江山雄壯處興亡不必問
寒灰

思耕

江湖漸老身山澤本來心
經濟不敢問耕耘猶可尋
一頃半頃許三更二更深
親朋相接近雞酒開塵襟

登荆南城樓

因為古荆州翻成一段愁
孟嘉曾落帽王粲此登樓
唐鄧通襄路沱潛竝漢流
太平官府盛昔日欠來遊

宿虎丘

到晚歸不去因而此宿休
雲深千古寺月冷一天秋
崖裂池如束天虛塔欲浮
最宜初日上高處看煙收

宿洞霄山中

入山時八月嵐氣似深冬巖洞生風雨窠巢落
檜松山中九重鎖月下一聲鐘警省非人世今
秋得異逢

喜靜

素來嫌僻靜今漸與相安師友凋零盡年時出
處難春風雙屐暖夜雨一燈寒洙泗曾顏輩何
曾作好官

餘杭界早發

早發促程期籃輿帶月低山中如白晝斗下渡

清溪羣動霜初落四鄰鷄未啼惟聞兵遞鋪星
急過淮西

餘杭道上

五年茲路上頻往又頻還歲月孤松老風霜苦
竹斑溪流天目水雲出洞霄山馬上因閑眺蜉
蝥宇宙閒

病後

漸嬾說功名修真喜道經淒涼秋聽雨空闌夜
觀星有病色先覓無心夢最靈堦前風葉響還

又感飄零

歸去好

歸去豈不好平田帶淺林春猿鳴雪澗晴日土
雲岑世久無鳴犢時當學展禽吾生今老矣梁
甫豈能吟

送友人之淮

積得讀書身從教此道貧逢秋爲遠客知己是
何人天下方多事西風至不仁但於登眺處杯
酒莫辭頻

吳江三高祠堂

吾拜三高堂三高在何許香爐上蒼苔破屋落
大音雨石泐水彈痕地洞龍潛處清魂汗漫游
芳名垂萬古

吳江太湖龍王殿

吾謁龍王殿龍王在何許太湖三萬頃水族龍
爲主離離明月宮渺渺寒煙渚天下有旱蝗吾
亦能行雨

荆南別賈制書東歸

清集
來時秋雨滿江樓歸日春風度客舟回首荆南
天一角月明吹笛下揚州

送友人之鄂

湖海聲名落搢紳由江而鄂遡鱗鱗煩君黃鶴
樓頭看天下英雄有幾人

晚春卽事

輕寒時節牡丹開葉底青青又見梅門外數枝
楊柳薄一春鶯燕不曾來

荆江口望見君山

荆江江口望漫漫一白無邊夕照寒只是青雲
浮水上教人錯認作山看

繁昌江邊見兩獺祭魚人立而拜

寒食清明在客途片帆漂泊老無廬松楸方念
無人掃忽見江邊獺祭魚

虎丘尹和靜書院示開講

從前聽者少
是日聽者衆

和靜書堂八面開新分半席在山隈若無人聽
都歸去傳語生公借石來

爲九華王此山賦寧石

此山有寧石
我王之詩

我謂此山天作石石不是石人不識千年野鶴
獨見君石上採芝石上喫

關山月

霜下月色白沙飛月色黃征人此暴露未有不
辛傷滿野髑髏骨依山魚鴈行祁連與瀚海慘
淡更蒼茫

赤壁歌

赤壁山赤壁水江有蛟龍野有蛇虺天蒼蒼雲
茫茫周瑜於此走曹操聲名萬古隨風長

君乘黃

君乘黃臣乘青二乘先後如流星君乘黃金漆
照鏡臣乘青竹織作櫛道逢相揖失恭敬君乃
偃僕莊其形世人多認車與笠交道如此今猶
馨

天高高

天高高兮色青青夜沈沈兮星熒熒不知余命
何所繫兮何星

採桑曲

晴採桑雨採桑田頭陌上家家忙去年養蠶十分熟蠶姑只著麻衣裳

樵歌三首

上山斲山山丁登山山嵌山山稜層秋殘日暮歸來晚茅簷洗脚月又明明朝早入芙蓉城入城不識公與卿行歌道上旁無人衣衫藍縷鶉百結與妻索笑妻生嗔那知不是朱買臣山均築著牧牛兒白石鑿鑿蒙茸披繆公無人甯戚死獨吹簫粟誰得知不如採樵同路歸

讀馮道傳

西山有薇二子採之二子竟死薇不療飢匪惡周粟食不下咽君臣義重彼蒼者天爾道何人數主一身有何顏面冠冕搢紳喬固諸賢寧死道邊曹操不帝清議凜然

短歌行

覽鏡摩挲歲月蹉跎道長命窄憂慮如何何以消除非酒莫祛醉來不見醒復如初跼蹐鏘鏘孔孟皇皇何非何是孰劣孰強日出杲兮月出

清集
皓兮無風無雨可以同攜人生朝露保不及暮
青青纍纍皆是墳墓天機轉深轉用勞心不如
坦蕩驅遣光陰

飲馬長城窟

飲馬長城窟不見征人骨長城窟雖深見骨不
見心誰知征人心怨殺秦至今北邊風打山草
地荒漫漫五月方見青七月霜便寒古來無井
飲齋帶糧盡乾自從征人掘此窟戍馬飲之如
飛翰朝呷一口水暮破千重關秦皇極是無道

理長城萬里誰能比

鄂州南樓

淳祐六年冬十月我來獨自上南樓曉霧江山
都不見霧收日出城東頭照見漢陽樹照見鸚
鵡洲浪濤江漢出岷峽洞庭雲夢天其流大船
如龍捲寒碧小船如葉飛淇溝費禕霞珮跨黃
鵠洞賓玉笛橫清秋沈寥突兀不可狀開闔風
雨晴煙浮空中一一都照見照見今來古往絲
粟無限愁夜郎逐客心膽大醉欲槌碎醒又休

此山此水長不老英雄消盡山水留何當大雪
夜明月摩挲老眼看九州春風吹雪變紅綠牛
羊被野邊無憂

洞庭君山辭 時附成蜀船行

山爲君兮水爲臣水爲臣兮象爲兵君有定位
兮兵無定形知山知水兮知君臣之性情不知
師不知比兮又奚知用兵之精余經山之外兮
觀山水之杳冥佳氣葱鬱兮或天香而龍腥煙
雲變化兮或狗狀而人形風濤洶湧兮或崖立

而天平或夕陽兮漁歌或曉霜兮鐘聲或雪下
兮鴈叫或夜半兮鼉鳴或仙人張樂兮霞珮之
駢駢或神丁從駕兮車騎之鱗鱗冬寒春暖兮
湖草幾番之青青今來古往兮人物幾代之廢
興嗟余行役兮顧鬢影之星星無由登山臨水
兮與鷗鷺盟北風吹袂兮又將之荆徘徊不忍
去兮聊以歌而行

辭弔富沙梨山大王祠 唐詩人李頎也

梨山之陽兮有廟煌煌州人祭享兮釃酒椎羊

王之未死兮守土此方王之既死兮州人不忘
建山之峭兮建水之長建杭之粲兮建茗之香
州人禱福兮王錫吉祥魂之來歆兮雲旗央央
蛇虎遁伏兮松桂芬芳梨花燧燧兮王之甘棠
自古詩人兮憔悴異常王之爵位何啻于唐昔
駕五馬兮今衣袞裳詩人之窮兮詩人之昌

招魂酌翁賓賜

君之在世帝敕下君之謝世帝敕回魂之為變
性原返氣之為物情本開於戲龍兮鳳兮神氣

盛噫嘖鬼兮歸兮大塊埃身可朽名不可朽骨
可灰神不可灰采石捉月李白非醉未陽避水
子美非災長孫王吉命不天玉川老子詩不併
新城羅隱大奇特錢塘潘閻終崔嵬陰兮魄兮
曷往陽兮魂兮曷來君其歸來故交寥落更散
漫君其歸來帝城絢爛可徘徊君其歸來東西
南北不可去兮君其歸來春秋霜露令人哀花
之明吾無與笑葉之隕吾實若摧曉猿嘯吾聞
淚墮宵鶴立吾見心猜玉泉其清可鑒西湖其

甘可杯孤山暖梅香可嗅花翁葬薦菊之隈君
其歸來可伴通仙之梅去此又奚之哉

清雋集 完

先君菊山翁家傳

思肖心數生平所為不孝一事最深理久當極
死非自損抑語蓋實有罪感造物赦之開其自
新之路今雖大哭殞命不足贖一身罪不足述
先人德尚忍言哉鄭姓得於周宣王母弟桓公
受封之後至晉永嘉分派入閩居於連江東導
村今十數世矣高祖上字秀曾祖上字昭左
下字穎右世世襲以讀書傳家先君兄弟二人伯氏蚤
喪先君字叔起號菊山名與字之下字同早年

嘗名正東方之卦生於慶元己未終於景定壬戌壽六十四歲先君四十歲始生思肖今所記者惟先君五十歲以後事前乎此時正當早年豪傑時奇氣偉節未易可以形容父子閒禮甚嚴非親見事不敢問又無伯叔長兄教之今前輩或有能道其早氣豪邁者特髣髴爾獨憶思肖七歲時親歷之事淳祐丁未前丞相鄭清之以待讀八朝泊於湧金門外朝廷忽除之再相先人聞除命下痛哭流涕謂我自上流歸聞端

平出師復兩京之敗皆鄭相誤國罪卽登其門歷歷數之厲聲大罵曰端平敗相何堪再壞天下耶竟爲鄭相執下天府母妹思肖俱遭執去當時士氣頗盛京尹趙與憲越一宿俱縱之鄭相乃命天府廣布耳目吏卒於長橋所居左右密物色至於朋友往來出處云爲排日錄聞天府堅求瑕疵欲以他罪加焉如是二年莫能得毫髮鄭相去國事乃寢鄰人始言其布置欲陷人以罪之事先人爲社稷生靈憂蹈此危機有

司求之二年不得其過可以見平日大節目矣
在京師居時屋後有淫祠因先母病鄰人謂宜
禱之先人以爲狄仁傑嘗毀江南淫祠一千七
百獨畱禹廟泰伯廟伍子胥廟程子尚謂伍子
胥廟亦不當畱先人竟手毀廟像後亦無他每
事正直無邪詔率皆若是讀書之外唯好飲酒
嗜食茶他皆不切切焉客京華三十餘年不行
狹邪徑竇之門屈其氣節世俗通賄賂事一毫
未嘗破戒四方餽以禮唯正則受有酒卽飲朋

友有錢卽與朋友聞人之善昌言之見人之惡
面折之意氣飛動不協於時人固敬之抑且畏
之或頗忌之平生獨冠巍巾異於衆議論氣象
出處言動皆正直嚴毅有法度當時宰執賢其
賢欲官焉恥出私門之恩終拂其事每與平章
賈似道論得失累忤其意後竟爲彼所疎几公
卿大夫交言不及利語不阿媚卒無親昵黨比
之交其實清則藐視一時人物寄心澹泊以道
自鳴高潔其行白首六經家不蓄銀器不蓄直

錢之貨不喜翫圖畫骨董不親博奕不言私事
惟家藏古今書數千卷自庚辰出閩遊京師庚
子於潛縣請主於潛學時居渡子橋作三牒記
甲辰伏闕言姦相史嵩之奉旨免解丙午上江
陵丁未遷居西湖長橋扁其廬曰水南半隱作
水南半隱記壬子伏闕言水火災不報漕臺請
爲諸暨縣主學蕭山縣主學甲寅絜居吳門浙
西倉臺請爲尹和靜書院堂長淮東闈請爲泰
州胡安定書院山長平江府請爲三高堂長無

錫縣率請至邑庠開講環轍淮左浙右據坐阜
比深衣竹笏講性理學一時學者翕從焉講道
來歸故廬小圃植幽花修竹逍遙其閒意不欲
復出將閉門養道遂其閒適天不壽以年不得
終此高隱計早年場屋不利卽潛心窮理盡性
之學極有所得至老讀書不倦晚年造詣益深
正欲毀舊太極無極說別作太極書病已亟矣
將易篋際盡歷歷言得失且命思肖至中年加
以學力削改補釋足成易註我丁未年後卽畱

心注易今十六年汝勿廢我生前志汝終身所
行之道平日語汝久矣遂卒先人素自許以治
國平天下之道制於命而不伸痛哉使其生至
今日決不忍陷於賊阱必一死盡臣子報國之
節著述有講義詩集雜著前後讀書愚見太極
無極說修攘事鑑南北要覽深衣書鄉飲酒書
并注易六十卦外又有碑銘記序百五十餘篇
詩百餘篇皆晚年所作亂後故槩爲賊取去僅
存於別橐者文得十一篇詩得十五篇餘篇不

可復得深爲痛惜先人生子女二人思肖長焉
女弟適人不諧終願爲尼修淨業思肖又懦弱
無能爲一絲文脈終將何如近日漳州大義甚
正干戈擾擾閩閒正苦吾族在鄉甚盛誰歿誰
存今俱可傷墳墓纍纍盡埋沒荆榛戰血中獨
先祖墓在江陵城外先人早失怙恃寄食外氏
亦莫知地之詳先人丙午遊江陵嘗望祭焉先
人墓在姑蘇甌山西隴亂後幸無恙先母兵火
閒丙子歲茶毗水化骨殖矣天長地久北風淒

寒如我不似於人啟人掩口胡盧大笑者誠不可掩矣又痛思無子紹先人遺書剗割心髓雖念念謀爲傳後計但國事大變奚敢獨以家事論今爲國爲家之念紛然茫然裂碎其心莫措手足仰天大慟莫喻後之所云

一百二十圖詩集

所南翁一百二十圖詩集自序

昔嘗序湯西樓先生壯遊集云天地之靈氣爲
人人之靈氣爲心心之靈氣爲文文之靈氣爲
詩蓋詩者古今天地閒之靈物也吾生也冥頑
其不靈於詩不靈於文不靈於心不靈於人也
久矣棄物若然者孤孤枯枯迂迂踈踈是誠不
靈不然也以其不然不靈也凡有求皆不作絕
交游絕著作絕倡和漸絕諸絕以了殘妄爾今
或遇圖而作或遇事而作又或者又欲俱圖之

胡然乎乃然彼不然然而然恣不絕其絕而絕
於不絕以無作作其所不作將欲靈夫不靈之
靈以爲靈其靈靈乎其不靈靈乎此其所以滿
目青山綠水垂笑於無窮無窮無窮也耶

所南翁一百二十圖詩集

黃帝洞庭張樂圖

天水相涵萬象清咸池真樂妙無垠太音豈在
九霄外有意聽時卻不聞

堯民擊壤圖

百姓相忘堯帝春耕田鑿井澹無情只今正是
何年月日日月從東向生

巢父洗耳圖

萬事喧喧雜響中細參巢父意無窮須還半掬

溪邊水方始教君耳不聾

許由棄瓢圖

天下搖頭不肯為恰如瓢挂老松枝許由不在
箕山在千古高風屬阿誰

呂望垂釣圖

八寸翁翁心尚孩渭濱癡坐弄徘徊當初若是
逃名者誰要文王土釣來

夷齊西山圖

扣馬癡心諫不休既拚一死百無憂因何畱得

首陽在只說商家不說周

老子度關圖

紫氣東來壓萬山老聃吐舌笑開顏青牛車外
天風闊搖動當年函谷關

紀昌貫蝨悟射圖

從來絕藝欲超倫何止彎弓用意深覷破微塵
微極處忽開大地見紅心

鍾子期聽琴圖

一契高山流水心形神空靜兩忘情似非父母

百二十一圖詩
所生耳聽見伯牙聲外聲

伯牙絕弦圖

終不求人更賞音只當仰面看山林一雙閒手
無聊賴滿地斜陽是此心

榮啟期三樂圖

生死悠悠付老天啟期三樂亦超然此身不得
爲男子空活人間九十年

伯樂相馬圖

冀北羣中不可畱如龍走地絕無儔何勞伯樂

一相顧抹過西風數百州

莊子夢蝶圖

素來夢覺兩俱空開眼還如闔眼同蝶是莊周
周是蝶百花無口罵春風

輪扁諫讀書圖

輪扁釋椎開口諫國君據坐展書開古人精粕
終枯淡誰醉天然滋味來

卞和泣玉圖

太璞中函天地精卞和抱出愈分明一番別足

一番哭哭殺世人無眼睛

甯戚飯牛圖

斯人豈是飯牛者浩歎空懷扣角悲說到漫漫
長夜處南山白石也攢眉

孺子濯纓圖

秋影澄澄湛碧波濯纓人遠意如何臨風歌罷
飄然去賣弄滄浪清處多

葉公畫龍圖

神物難傳變化時葉公眼外泄天機一從親見

真頭角滿手風雲雷電飛

孟嘗君度關圖

狐白裘邊事若難孟嘗門下亦何顏若無意智
翻身去半夜焉能度此關

屈原九歌圖

楚人念念愛清湘苦憶九歌頻斷腸只道此中
皆楚國還於何處拜東皇

屈原餐菊圖

誰念三閭久陸沈飽霜猶自傲秋深年年吞吐

說不得一見黃花一苦心

范蠡扁舟圖

烏喙無情奈若何功成只合理漁蓑躍身吳越
興亡外一舸江湖風月多

毛遂脫穎圖

十九人中不數君當機勇辯獨超羣若非末後
脫穎出爭得英風潑楚雲

魯欵器圖

此心安分即逍遙無欲何愁外境搖纜有秋豪

失中正一杯水亦不能消

列子竊鈇圖

宇宙茫茫盡坦塗莫將得失自相辜胷中若有
一些子大地山河俱竊鈇

秋胡子圖

即歸猶未到家中豔語勾春妾面紅耐耐相逢
不相識梅花那肯戀東風

西施捧心圖

蕩盡吳王醉後春化為頻笑豔精神當胸一點

痛得別直是妖嬈惱殺人

驪山老姥磨鐵杵欲作繡鍼圖

欲化龜蛇生聖胎驪山微意孰能猜純鋼一塊
都磨盡不信纖毫眼不開

秦女吹簫圖

弄玉飄飄僊女姿鳳凰低舞久相期簫中應有
別一曲飛出青天影外吹

湘靈鼓瑟圖

霧質煙姿雪月心凌波無跡似多情試聽誰在

湘江上髮髯秋風曲數聲

毛女圖

六國傾城輦入秦深花密柳鎖青春神仙自有
長生路豈是阿房宮裏人

徐福採藥圖

僊藥長生不易求僊山可在海東頭祖龍滅盡
諸侯後徐福卻來贏一籌

青門種瓜圖

百二山河勢莫當咸陽誰付與高皇盡嫌嬴政

鮑魚臭爭慕邵平瓜圃香

漢高祖將韓信圖

先入關中得計多彭城永是漢山河不操擒縱
英雄手韓信何由可倒戈

張子房遇黃石公圖

三度橋邊伺老僊始將兵法盡相傳不知躡足
此一計還出書中第幾篇

四皓圖

嗟嗟紫芝巖石隈避秦有地似蓬萊可憐白髮

坐不定又被漢朝呼出來

周亞夫細柳營圖

細柳營中作略殊寧容直入驟先驅不因一見
入門訣文帝何曾識亞夫

李廣射石虎圖

怪石蹲身草莽中錯疑猛虎噴腥風何消重費
將軍力只在當頭一箭功

董仲舒不窺園圖

西漢諸儒君最醇無人見面意應深三年盡力

窺經史一旦看花了古今

蘇武牧羊假寐圖

十九年閒墮渺茫飢來齧雪齒生香一心只夢
飛歸國雙眼何曾看見羊

蘇李泣別圖

同為武帝一時人忠逆分違感慨深早信子卿
歸漢去淚痕滴滴黃金

司馬相如題柱圖

初上昇仙何慷慨重來衣錦頗從容男兒意氣

如此透過禹門方是龍幾間除却此豈不是

張騫乘槎圖

牛女宮中事若何親身曾得上天河逢人莫說
支機石漏洩蒼蒼意已多

翟公交情圖

翟公冷語久逾新漢世交情古亦今不被死生
貧賤轉此時方始見人心

朱買臣賣柴圖

年當五十始榮華覆水難收重歎嗟豈信後來

春色別滿柴擔上盡開花

二疏東門祖帳圖

昔日賢哉二大夫東門祖帳耀通衢太平時節
獨先去闔國人知此意無

嚴君平垂簾賣卜圖

多是垂簾自養神僅能了日即安貧不離忠孝
談玄妙豈是尋常賣卜人

王初平牧羊圖

第參商四十春金華山裏問斜曛相逢不是

牧羊客白石巔預冷笑君

西王母蟠桃宴圖

玄圃筵開物外春萬仙歡笑動精神蟠桃種子
今猶在誰是三千年後人

嚴子陵垂釣圖

新莽紛紛未有涯桐江山水頗為嘉無心偶向
一絲上釣得清風滿漢家

袁安卧雪圖

飛玉堆寒二丈過杜門僵卧養天和不愁屋外

六花大但覺胷中清氣多

高鳳讀書漂麥圖

癖愛詩書苦未休
肯將俗事挂心頭
等閒痛快語言外
那見雨來和麥流

天師飛昇圖

玉局曾經拜老君子孫
今尚寶玄文要知龍虎
山前意但看空中數片雲

王粲覆碁圖

鴉鷺爭飛局局殊
便生國手亦難圖
未曾落子

有一著王粲還能覆得無

先主三顧草廬圖

抱膝高吟梁甫時
卧龍致雨未為遲
若無三顧草廬意
剖出心肝賣與誰

孔明出師表圖

一身英氣射光芒
北定中原事轉長
落得兩篇出師表
至今只是漢文章

孔明成都八陣圖

孔明抱義恥偏安
不道中興事業難
賴有石頭

知落處任從人換八門看

王申修補

王祥臥冰圖

母病杯羹意未諧解衣竟欲卧冰開有心直透
清波下安得無魚躍出來

王衍舉阿堵物圖

口不言錢早不同何須相試苦相攻今朝叱去
阿堵物一室玲瓏分外空

竹林七賢圖

清談何補晉江山誰與中原了歲寒惟有白雲

二四片飛來自向古琅玕

王子猷看竹圖

沁徽之骨亦清翠光如水漾空明只圖一見
此君面誰更問人閒姓名

王子猷訪戴圖

雪夜懷人泛剡谿造門而返是還非不會相見
猶相見滿載清風獨自歸

阮籍醉眠酒家圖

少婦當壚應怪人陶陶一覺了殘更無情不作

如花想夢見醉鄉生月明

劉伶荷鍤圖

酒國韶光無際涯大人境界絕朋儕生來自有
一方地何待醉終纔始埋

戴安道破琴圖

獨抱洋洋太古心王門何苦欲相尋狂來寧可
破琴去不許俗人聞此音

畢卓甕間圖

醉玉顏來欲化仙一窪和氣藹芳妍終宵自同

華胥去吏部何

孫康映雪讀書圖

孫康苦志惜居諸雪夜無燈興有餘冷地白光
生破屋自然開眼見詩書

張翰思葦鱸圖

名爵雖榮心最苦葦鱸有味食無厭後來京洛
風塵暗轉覺吳淞江水甜

孫楚

孫楚匆匆誤茗時說來頗與事相違枕流漱石

百二十詩

士知不足齋叢書

嘉慶戊寅重刊

活弄胷中倒一機

庾亮登南樓圖

懷好滑稽登樓恰喜月明時雖然於此

女且諸人知不知

周處除三害圖

一朝周處奮英豪三害皆除豈憚勞考古志不臣

目已縱屠龍虎不為高

王羲之蘭亭圖

三月三流觴曲水暢清

永和意好向羲之筆外參

桓伊三弄圖

傾蓋相逢不問誰知音那肯露心機一聲吹破

清秋影驚散閒雲各自飛

車武子聚螢讀書圖

武子耽書不暫忘練囊終夜照淒涼讀來讀去

東方白笑殺流螢數點光

陸績懷橘遺母圖

獨薦霜丸意不安誰供甘旨侍團樂驀然憶著

白二十圖詩

三知不足齋叢書

孃生面萬樹黃金盡喜心

吳隱之飲貪泉圖

外物終難換肺腸隱之清介頓生狂便
貪泉水只覺通身白雪香

郝隆晒腹書圖

七夕庭中羅綺乾鄰家應是鄙儒冠文章滿腹
無人識鋪與青天白日看

陶淵明三逕圖

老氣蒼寒松樹活閒情幽淡菊花開一條

無人走還且與誰相往來

陶淵明對菊圖

彭澤歸來老歲華東籬儘可了生涯誰知秋意
凋零後最耐風霜有此花

王孝伯痛飲讀離騷圖

名士天生磊落才只耽痛飲罄樽罍誰傳一味
解醒法歌斷離騷眼自開

許真君飛昇圖

鐵柱遺蹤尚儼然五陵後必出羣仙當時甚姆

說甚麼四十二人都上天

孫登長嘯圖

碧眼空空照九州
阮公不是我同流
劃然長誰聽得
獨有蘇門山點頭

王烈餐石髓圖

五百年方開此山
寒光浮暖溼而乾
明明正是洪濛髓
只恐凡人不可餐

桃源圖

長城徭役苦咨嗟
澧水偷春隱歲華
有耳不聞

秦漢事眼前日日賞桃花

爛柯圖

日出樵柴日落歸
幾年黑白夢紛飛
看來直待斧柯爛
始悟老仙碁外機

延平躍劍圖

白晝平津湧似雷
盡驚靈物出塵埃
倒翻三尺揮空去
對舞雙龍破浪來

陶宏景三層樓聽松風圖

宏景岑樓插太清
萬龍捲翠響泠泠
此心不出

三界看一片秋聲何處聽

文選閣圖

太子奢華能幾年盡將春夢付荒煙錯聽古調
一兩拍空嗅斯文數百篇

唐明皇遊月宮圖

玉仗飛行馭太空須臾徑到廣寒宮三郎曾次
無高見落眼蟾蜍光影中

李靖天瓢圖

夢裏騎龍出八荒掃空熱惱作清涼不消數滴

沈婆透骨香

王勃滕王閣記圖

吐勃清才俊不禁爛鋪豔錦賞知音空餘
雲裏誰識落雲秋水心

狄仁傑白雲親舍圖

駐馬回頭眺碧空河陽在望去匆匆吾朝

白雲下豈出梁公一念中

孟浩然歸隱圖

明主憐才若賜官奔馳 祿負家山狂吟一首

笑歸去滿路秋光上醉顏

李太白硯鞞圖

斗酒未乾詩百篇篇篇奇
脫鞞後笑看唐家萬里天
走雲煙自從捧硯

杜子美茅屋為秋風所破歌圖

雨捲風掀地欲沈
浣花溪路似難尋
數間茅屋苦饒舌說殺少陵憂國心

杜子美騎驢圖

飯顛山前花正妍
飲愁為醉弄吟顛
突然騎過

草堂去夢拜杜鵑聲外天

子美孔明廟古柏行圖

諸葛甘棠歲月深
霜皮黛色鬱沈沈
尚垂清蔭蜀國裏一樹風霜千載心

韓昌黎祭鰐魚圖

朝奏空言暮遠途
藍關飛雪漬衣裾
豈期去國八千里此意猶能化鰐魚

柳子厚賦寒江釣雪圖

空立影外渺孤舟
不與漁翁意思侔
萬頃風濤

一天雪且看誰解下金鉤

盧仝煎茶圖

月團片片吐蒼煙破帽籠頭手自煎七椀不妨
都喫了恣開笑口罵羣仙

陸龜蒙茶竈筆牀圖

笠澤往來無定期煮茶垂釣醉吟詩一船清致
終難畫不是散人應不知

公孫大娘舞劍圖

纖手生風攬畫寒好花翻影豔清歡試看不犯

鏗鏘處舞碎晴空雪一團

張果老倒騎驢圖

云是堯時丙子生狂蹤怪跡恣幽情拔驢面目
不須看一任騎來顛倒行

張志和漁父圖

苔雪春深花滿谿一鉤翻動碧琉璃蓑衣箬笠
儘有意不到斜風細雨知

藍采和踏踏歌圖

踏踏歌中天地開紅顏春樹莫相催藍袍轉破

轉奇特別看仙人舞一回

鍾呂傳道圖

鍾呂喃喃手指空應談玄牝妙無窮都來造化
只半句不在丹經文字中

呂洞賓賣墨圖

鍊就玄玄一塊石朝磨暮寫愈精神先生此墨
初無價下識誰為買道人

沈東老遇呂洞賓圖

東老忘懷杓遇時洞賓爛醉以為期聊題不涉

毫端句早被石榴皮得知

巴山橋中圖

剖破渾淪一殼寬二仙飛去已雲端須知橋裏
封疆別莫作几閒勝負看

中秋若雨趙知微登天柱峯賞月圖

人愛中秋月色同忽驚涼雨翳昏鐘如何只隔
一重膜不見仙家天柱峯

南柯蟻夢圖

忘了堂堂六尺身鬼花生豔幻微春絕憐蟻窟

無分曉迷盡古今多少人

崔護覓水圖

哭斷東風轉有情俄驚滿面笑容新當時飲水
今猶醉別是桃花半點春

倩女離魂圖

有心誰怕鐵為牆直透虛空未易量若問合離
真偽事滿池綠水笑鴛鴦

崔智韜虎妻圖

佳人睡覺失青山惡毒心腸賣笑顏認得皮毛

一歸去花枝無豔虎全斑

玉川長鬚赤脚圖

慣立煎茶屋角頭低眸頻候雪花浮一奴一婢
亦作怪不為先生破屋愁

陳搏睡圖

五季干戈亂似麻慵將醒眼閱年華勦勦一覺
華山裏誰問春開幾度花

逋仙探梅圖

雪壓咸平處士家凍雲鎖暝苦相遮欲知天上

春消息只覓南枝第一花

蘇東坡前赤壁賦圖

泛舟赤壁痛銜盃孟德英豪安在哉何似江山
風月妙不從自己外邊來

李伯時所畫太一真人蓮葉舟圖

天上真人妙出神聊乘蓮葉下南冥若人欲識
空涼境但誦薰風一卷經

無名氏巡簷數脩竹圖

四簷玉立碧重重終日相看眼亦空何啻數來

千萬个不知那个弄清規

一百二十圖集終

錦錢餘笑二十四首附

或問錦錢者何義日以錦
為錢者雖美觀實無用也

有時發一笑清於萬壑冰有時吐一語濁於三
月春所以天地閒不著如是在之波波走永
劫長沈淪

有古先生忒殺不唧溜拈得一枝花失卻一
口白晝叫不醒徒爾打筋斗若欲了此意但

杯酒

晚年闔閭國僑寓陋巷屋中無所有事事不
具足終不借人口伸舌覓飯喫以此大恣縱罵
人笑吃吃

山中一溪水絕與衆水別不解飲清風只解醉
明月一片清冷意活動流不徹何勞濯纓人再
三苦饒舌

我家南山南日月景相愛清光潑面來只是無
人買我昔買得之翻手恣買賣山北諸草木也

只得禮拜

佯狂真佯狂踏碎東風影一任東風吹花意亂
不定開開人叢中人人喚不應借問老先生莫
教是姓鄭

頭戴爛紗巾脚踏破鞵底不知以何道琮瑋宇
宙裏或恐是達人母乃是癡子我亦欲問之面
冷似鐵鬼

我有一句子朗朗最分明問水水亦笑問石石
亦嗔獨有老枯樹聞之彌精神從此開笑面惱

殺天下人

崛強數十年只弄一枝筆筆是無根花日日常
結實千千万萬顆顆如紅日日日採將來布
施十方佛

蒼蠅亦奇哉腹內矢何物黑者變爲白白者變
爲黑不換人活眼何以化流俗我來闍浮提卻
喜無此術

一火陶鑄來莫不皆完具豈有一造化而勞別
父母可憐生盲者當面不辨主此理甚無教唾

汝化爲土

不怕明日死且喜今日活拍響浪敲擊飛謔訊
挑撻直送雙眼去天外破毫末盧都橫上脣口
門八寸闊
三三卽九九效之何曾有九九非三三拈來不
用參滿頂髮鬢鬢滿面骨巖巖不知死日至只
是弄癡憨

巉巖巖谷中盡謂是白石一見一摩抄老眼滴
寒碧絕無一點香蒼頑直堅立當道橫黃金惜

哉無人識

叫笑舞荒唐面上生雪霜一味呵呵笑赤腳走
四方明月忽見憎憎我太枯清我亦罵明月罵
月弄光明

每愛入深山最怕石路惡剖樹斫木屐堅欲護
雙腳即忙著將來步步革落落從教世上人罵
我錯錯錯

二十餘年來非不喜飲酒近日青天癡也逐世
人走罵詈古冰雪讚歎新花柳安得不獨行鼻

角插入口

飄飄山中行與雲同出沒飢來餐生石入口細
無骨滿吻流甘香不嚼而味出幽禽獨賞音數
聲不可忽

生來好苦吟與天爭意氣自謂李杜生當趨下
風避而今吾老矣無力收鼻涕非惟不成文抑
且錯寫字

昔者所讀書皆已束高閣只有自是經今亦俱
忘卻時乎歌一拍不知是誰作慎勿錯聽之也

相凌除笑

齒知不足齋叢書

且用不著
突然出身來撥卻青天轉擊破古洪
八片片生春風散作花柳面面冷眼笑何
處不相見
頑絕絕頑絕以笑爲生業剛道黑如炭誰知白
似雪笑殺娑婆兒盡逐光影滅若無八角眼豈
識四方月
叫賣沒底有有價不敢道拾得一塊泥勝如萬
塊寶如此至鶻突直是不老草逢人但點頭好

好好好好

何待死方休卽今骨已朽奇特動天地也擲向
背後咄這臭矢囊恣情開口幾番說得風驚
落虛空走

大德辛丑吳中義梓

所南翁文附後

一百二十圖詩集

終

